

Ukanikorongi u Yakubu

Ukukpa u kadyanshi

Yakubu vangu u Yesu Asheku Kawauwi aya u korongi ukanikorongi u na vi. U korongu ta ukanikorongi vi ubana a asu u Atoni a Yesu aza da a wacuwai ubana a iyamba kau-kau adama a upana u ikyamba u da a ka so adama a utono Yesu Kawauwi.

An upana u ikyamba vi u gbonguroi, da i zuwai a sumai a wacuwusai. Da gai i zuwai Yakubu koronku le ukanikorongi u na vi kpaci wa ciga ta u gbamatangu le kpam a kawunku pini a utono. Da kpam i zuwai tagarada u na vi u yain kadyanshi ka upana u ikyamba vi, n awuya, n ahankuri, n kavasu n urongo shiriri a asuvu a utono Kawauwi.

Gogo-na Atoni ushani a ka pana ta ikyamba a akere a aza da bawu a'ari atoni a Kawauwi. Gba n nala u gan ta tsu toni yi mai. Tagarada u na u wenike tsu ta an utono u Kawauwi vi urongo mai da kain dem.

Ili i'ya i'ari a tagarada u na vi

Idyani (1:1)

Uma u upityanangu n kakiri (1:2-18)

Upana n upanaka akani a Kashila (1:19-27)

Kotsu vu naka aza a utsari n aza a ucira karinga
koshi wa (2:1-13)

Upityanangu n manyan (2:14-26)

Kakiri n Idani (3:1-18)

Kufari adama a tsije n likimba (4:1-5:6)

Ahankuri, ben n kvasu (5:7-20)

Ukukpa u kadyanshi

¹ Mpa Yakubu, kagbashi ka Kashila, kpm n ka Asheku Yesu Kirisiti Kawauwi.

Ama da a pityanangi n Kashila alya ma koronku, aza da a wacuwai a asu kau-kau.*

Ma sukunku da ta idyani.

Uwenishike a kaci ka ukondo

² Ama a va, gba de u gan ta i yain mazanga a'ayin a da awuya a cina da.

³ Kpaci ukondo n ukuna u nala u da wa zuwa da i reve an upityanangu u de wari n ucira, kpm u zuwa da akawunki.

⁴ I kawunku hal she ukondo vi u wura. Pini nala, da ya gbonguro i shadangu, kpm ya namba i'ya i gain i tsara wa.

⁵ Uza da baci wa ciga kakiri a asuvu a de, u foli Kashila wa naka yi ta ka. Kashila uza da u tsu naka ya dem gbani, kpm u tsu naka uza da baci dem u folo yi kakiri, u tsu yan uza da baci u folo yi mavura nala wa.

⁶ Shegai va folo baci ili, u kana ta vu pityanangu kotsu vu yain malala wa. Ko ya baci dem wa yan malala, tyoku u abali a kushiva a da uwule u tsu kyawunsuka kabarikete da wari.

⁷ Ucun u vuma u nala, kotsu u wundi yavu Kashila ka naka yi ili wa.

* **1:1** Idani i Tsiheline pini na i'ya "Ubana asu u aletsu kupa n a re" adama a aza a Yahuda a da a wokoi Atoni ushani. Yakubu yanka ta ure u da bawu u wuyanai manyan a'ayin a nala yi tsara u wenike an ukanikorongi u ne u korongu ta u da a asu u aza da a ka tono Kashila.

⁸ Uza ɗa bawu u tsu fuɗa u shamkpa katakasuvu ka te, ucun u vuma u nala u tsu shamkpa ukuna u te u yain wa.

⁹ Katoni ka kari uza u unambi, u yain mazanga an Kashila ka 'yangasa yi.

¹⁰ Katoni ka kari uza u utsari, u yain mazanga an Kashila ka wenike yi tyoku ɗa wa vakunku kaci ka ne. Uza u utsari wa ta yavu apalu a ɗa a tsu wuta a mete, aku a laza a rukpusa.

¹¹ Kaara ka tsu wuta ta shen cika, aku ka ekpe-tengu apalu yi hal a rukpusa a iyamba, kpam tsulobo tsu le tsu kotso. Nala dem uza u utsari wa kotso ko wa baci a kumofu n manyan ma ne.

¹² Kashila ka tsu naka ta mazanga a asu u aza ɗa a kawunki n ukondo vi n ahankuri. Ukondo u kotso baci, Kashila ka naka ta uza ɗa u lyai ukondo vi funi u uma u ɗa bawu wari n utyoku. Kashila ka zuwamgbana ta ka yan ili i na a asu u aza ɗa a ka ciga yi.

¹³ A'ayin a ɗa baci uza wa ciga u yain tsicingi, kotsu u dana Kashila ka ciga ta ka kondo yi u yain tsicingi wa. Tsicingi tsa kondo Kashila tsu zuwa yi u yain tsicingi wa. Kashila kpam ka kondo uza adama a ɗa u yain tsicingi wa.

¹⁴ Uciga u tsunu adama tsu yain tsicingi u ɗa u tsu zuwa tsu uciga u ili, kpam aku u lapanasa tsu.

¹⁵ Uciga u nala vi u tsu yan ta katsuma, aku u matsa unyushi, unyushi kpam u gbonguro baci aku u tuko ukpa.

¹⁶ Eda aza ɗa ma ciga cika, kotsu i toni kaɓan wa.

¹⁷ Ko ndya baci i lobonoi, kune ku a asu u Kashila. Kpam ko ndya baci bawu i'ari n unyushi, i wuta ta a zuba a asu u Tata uza ɗa u yain atyashi n

alishi. U tsu savadā wa, u tsu savadā u gono tyoku dā kulu ku madanga ku tsu savadāsa wa.

¹⁸ U dangasa tsu tā tsu woko ama a ne a dā wa ciga, adama a nala, u sukunku tsu akani a mayun a ne, kpam a gonuko tsu mmuku n kagitā n ne.

Zuwai atsuvu mai

¹⁹ Edā aza dā ma ciga cika, i yain maloko a asu u upana, shegai kotsu i yain maloko a asu u udana wa, kpam kotsu i yain maloko a asu u uyan upan wa.

²⁰ I yan baci upan, ya fudā ya yan ili i'ya Kashilā ka ciga dā i yain wa.

²¹ U kana tā i asakā uyansa ili i'ya bawu i gain n i cingi. I vakunku kaci ka dē, i wushuku n akani a dā Kashilā ka nakā dā tyoku u icun a atakasuvu a dē. Akani a na yi a'ā tā n ucira u dā a ka fudā a wauwa dā.

²² I woko aza dā a ka yansa ili i'ya akani yi a danai. Panai n atsuvu koshi wa, kpaci nala baci ya yansa, ya lapanasa tā kaci ka dē.

²³ Uza dā baci wa pana udani u Kashilā, aku bawu u yain ili i'ya a danai u yain, vuma u nala tyoku u uza dā wa wundyā kaci ka ne a madubu dā wari.

²⁴ U laza baci u asakāi madubu mi, aku u asansa tyoku dā u wenei kaci ka ne.

²⁵ Shegai uza dā baci wa wundyā mele ma maci ma Kashilā, kpam wa yan ili i'ya ma danai, vuma u nala wa tsarā tā unā u shinga u utsarā u kaci u dā mele mi ma nakā. Nala wari n uza dā wa wundyā n u asansi wa.

²⁶ Uza ɗa baci wa wundyā eyi Kashilā ka wa tonō, kpm̄ u fuda u kaṅa unā u ne wa, kaḅan ka wa yan kpm̄ utono u Kashilā u ne u gbani u ɗa.

²⁷ Ure u maci n u ɗa u mayun u utono u Kashilā Tata u tsunu u ɗa, a kirana nā mkpan nā nrānā a asuvu a awuya a le, kpm̄ a kirana n utono u likimba kotsu u nangasa le n ili i icadi wa.

2

Kotsu i wenike kuɗyangi wa

¹ Ama a va, Asheku a tsunu Yesu Kirisiti Kawauwi uzapige u ɗa. Kotsu i takpana unaka tsupige wa, i'a baci upityanangi n eyi.

² Tyoku u naha, a dana uza roku u tuwa a asu u kaɓolo ka de n aminya a shinga a ikebe, aku u ukai kpm̄ nkawani n zinariya a ajubu. Pini nala, uza roku kpm̄ u tuwai uza u unambi u ukai aminya a ɗa bawu a gain. ³ Aku i nakai vuma ɗa u ukai aminya a shinga yi tsupige i tonuko yi, “Asu u ndishi u ɗa na.” Aku i tonuko uza u unambi vi, “Shamgba dan,” ko kpm̄, “Dusuku a iyamba evu n a'ene a va.”

⁴ I yan baci nala, ya wenike de la vi kuɗyangi a asu u ama a re a na yi, kpm̄ i yan ta dere tyoku ɗa uza u afada uza ɗa wari n uyawunsa u cingi a katakasuvu ka ne.

⁵ Ama a va aza ɗa ma ciga cika, zuwai atsuvu a de mai. Mayun ɗa Kashilā ka dangasai aza a unambi a woko aza a utsari a asuvu a upityanangu. Kpm̄ u dangasa le a woko aza ɗa a ka lya agadu a tsugono tsa u zuwamgbantai wa naka aza ɗa a ka ciga yi.

⁶ Gbā n nala, i goroi aza a unambi yi! Shegai aza a utsari yi alya a ka sukutaḡ ḡa a rono ḡa kpm ubana a kuwa ku afada.

⁷ Alya kpm a tsu dana ukuna u cingi a kala ka Yesu Kirisiti Kawauwi kpm n ka a ka isaḡ ḡa.

⁸ Ya yan taḡ ili i shinga ya kirana baci n mele ma tsugono ma mari a Tagarada u Kashilaḡ, “Ciga uza u karen u vunū tyoku ḡa va ciga kaci ka vunū.”

⁹ Shegai ya tonō baci n ama tyoku ḡa i wene le, unyushi u cingi u ḡa ya yan, kpm mele ma varangu ḡa taḡ aku i woko aza a unyushi.

¹⁰ Uza u tonō baci Mele ma Kashilaḡ ka naḡai, aku u kodoi ma te, vuma u nala vi u kodo de gbā Mele mi.

¹¹ Kashilaḡ ka ka danai, “Kotsu vu vaku n uka u uza roku wa,” aya dem u danai, “Kotsu vu wuna uma u vuma gbani wa.” Adama a nala, ko vu vaku baci n uka u uza wa, aku vu wunai uma u vuma gbani, vu woko de uza ḡa u kodoi gbā Mele ma Kashilaḡ.

¹² Adama a nala, yanyi kadyanshi n i yanyi yavu a ka ciga a yanka ḡa afada n mele ma ma tuko utsara u kaci.

¹³ Ya pana baci iyali i aza roku wa, edaḡ dem Kashilaḡ ka pana ḡa iyali wa. Shegai ya pana baci iyali i aza roku, Kashilaḡ uza u iyali, iyali i ne ya lya taḡ kaci ka afada.

Upityanangu n uyan ili i shinga

¹⁴ Ama a va, ndya kalen ka uza wa dana u pityanangu taḡ bawu u wenikei manyan? Ucun u upityanangu u nala wa wauwa uza wa.

¹⁵ A dana vu wene uza roku uza ḡa u kanaḡ taḡ u tsaraḡ ilikulya ko kpm aminya a u'uka.

16 Aku vu dana, “U yan tsu ben, Kashilā ka zuwuka vu unā u shinga,” i tonuko yi kpam Kashilā ka tuko vuma u nala vi ilikulya ko aminya, edā kpam i naḳā vuma u nala vi ilikulya ko aminya wa. Ili i shinga i eni i'ya ukuna u nala wa yanka yi?

17 Nala dem upityanangu utyoku u ne, bawu wa walāka n manyan, upityanangu u nala vi kakushe ka.

18 Uza roku wa fudā tā u weci mu, “Avu vā n upityanangu?” Aku n wushunku yi, “Mā tā n manyan.” Pini nala, aku n tonuko yi, “Wenike ve upityanangu u vunu vi bawu manyan, mpa kpam n wenike dā upityanangu u vā n manyan mā ma yan.”

19 I wushuku tā an Kashilā ka te ka, u gan tā. Shegai ko ityoni i cingi i wushuku tā n ukuna u nala vi, adama a nala a tsu pana tā uwonvo cika hal n a jeki ikyamba.

20 Katengeshi ka vuma, ndya i zuwai va ciga uza roku u wenike vu an upityanangu wā baci manyan wa, upityanangu u nala vi u gbani u dā?

21 Pana na, akaya a tsunu Ibirahi, u zuwa tā Kashilā ka panai kayanyan an u zuwai maku ma ne Ishaku a asudarakpa tsarā u yain udarakpa n eyi. ◇

22 Gogo-na vu wene tyoku dā upityanangu u Ibirahi n manyan ma u yain a walākai kaḅolo wa. U wenike tā an upityanangu u ne u maci u dā a asu u ili i'ya u yain.

23 A shadangu tā udani u dā a danai a Tagarāda u Kashilā an a danai, “Ibirahi pityanangu tā n Kashilā, kpam Kashilā ka pana yi kayanyan hal u

◇ 2:21 Kag. 22:1-14.

gonuko yi u woko vuma u maci.” Ili i'ya i zuwai a ka isa Ibrahi kaje ka Kashila i'ya gai la vi. ◇

²⁴ Gogo-na i wene ta an tsu wokoi dere a kapala ka Kashila adama a ili i'ya tsa yansa, shegai adama a upityanangu u da koshi wa.

²⁵ Nala dem, Raha kashankala ka, u zuwa ta Kashila ka panai kayanyan an u nakai aza a ukyawunsa uyamba a asu u ukpawan, kpam u wutukpa le n kaban a ilinuku. ◇

²⁶ Ikyamba i'a baci bawu kuvi, ikyamba i nala yi kakushe ka, kpam upityanangu u da bawu wa yan ili, u lamgbana n kakushe wa.

3

Uwenishike a kaci ka kaletsu

¹ Ama a va, gba de da ya bidya i'ari awenishiki wa. Kpaci i reve ta Kashila ka yanka tsu afada a pige a da a lai aza da a buwai, an tsari awenishiki.

² Gba tsunu tsu tsu nusa ta cika, shegai aza da a tsu fuda a kana aletsu a le, a ka fuda ta dem a kana kaci ka le a asu u da u buwai.

³ Tsu tsu ukunka ta adoki urim n kawun a una tsara a panaka tsu. Kpam tsu zuwa le a yain ili i'ya tsa ciga a yain. ⁴ Nala dem a'atsu a mini, a da la a pige a pige, kpam uwule u ucira u tsu gebe le ta, gba n nala kawatiki ka yan baci manyan n kazama, she u gebe ka ubana a asu u da wa ciga.

⁵ Nala kpam kaletsu kapashi ka ikyamba ka kenu, shegai ka tsu yan ta ili i pige. Kondoi ve tyoku da maku ma kakina ka mazaki ka tsu dafa kagozo ka pige.

⁶ Nala dem kaletsu akina a ɗa, ka la ta apashi a ikyamba a ɗa a buwai tsicingi. Ka ka nangasa gba uma u vuma, ka savaɗa ta ure u uma u vunu ubana a akina, kpaci kuwa ku akina ka ku tsu gebengu ka.

⁷ Ama a ka fuda ta a zuwa gba ko manama ma eni ma baci ma pana ka le, hal na nnu n a'ali n adan.

⁸ Shegai uza wa fuda wa zuwa kaletsu ka ne ka pana yi wa. Kpaci ili i cingi i'ya, i'ya bawu uza wa fuda wa kana, ka ta n tsukonu tsu cingi.

⁹ N aletsu a tsunu a ɗa tsu tsu cikpala Kashila Tata u tsunu. N a ɗa kpam tsu tsu tonusuko ama kagbani, aza ɗa Kashila ka yain, kpam a rotso yi.

¹⁰ Gba icikpali n kadyanshi ka cingi† a una u te u ɗa a tsu wuta, u gan nala gita wa, eda ama a va!

¹¹ Keshi ka mini ka te ka fuda ka wutukpa mini ma shinga n ma akoni?

¹² Uza wa fuda wa kasa zayitum a madanga ma kapopi ko kapopi a katyaci? Wa yan nala wa, kpam keshi ka mini ka te ka fuda ka wutukpa mini ma akoni n ma shinga wa.

Kakiri ka likimba n ka zuba

¹³ Uza roku wa la a asuvu a de uza ɗa u gbojoi kpam u revei ili i Kashila? Ama ɗa a'ari nala a ka wenike ta u ɗa a asu u urongo uma u shinga, a ka wenike ta u ɗa kpam a asu u uyan ili i maci bawu a ka yan aradi.

¹⁴ Shegai malyon ma pige ma baci a asuvu a de, kpam ya wenike uciga u kaci, kotsu i yain aradi an i'ari n kakiri wa. Aradi a de ukuna u mayun u ɗa a ka 'yanku.

¹⁵ Malyon n arāḍi a'ari a asuvu a kakiri ka Kashilā wa. Ili i nala yi gba i likimba i'ya, i uciga u katakasuvu i'ya, kpmam Kalapansi ka ka tsu doku i'ya ucira.

¹⁶ Asu u ḍa baci dem malyon mari n uciga u kaci, nte va cina pini ibili maco n ukuna u cingi kau-kau.

¹⁷ Shegai kakiri ka baci ka wutaḍi a zuba, mai ḍa kari. Ka ciga ta kpmam ndishi n shinga. Kain dem kabirika yi wa, ka tsu 'yangasaka kaci wa. Ka tsu pana ta ama iyali ka yanka le ili i shinga. Ka tsu wenike kudyangi wa, ka tsu bidya ta kpmam ukuna mayun.

¹⁸ Aza ḍa a ka tukuso ndishi n shinga a ka ce ta ucun u ndishi n shinga kpmam a kapi i shinga.

4

Asaka Kashila ka toni n avu

¹ Ndya ya tukuso kushulu n ibili a asuvu a de? Gba ili i'ya ya tukuso ili i na yi i'ya, kurura ku cingi ka ka yan kuvon a asuvu a de.

² Ya ciga de ili i'ya bawu i'ari n i'ya, adama a nala i fobusoḍi kpmam i wunai uma tsaraḍi i tsaraḍi i'ya. Ya yan de malyon ma ili i'ya aza roku a tsaraḍi kpmam ya tsaraḍi i'ya wa, adama a nala i ba i shilakanai n aza ḍa a'ari n i'ya i wusa le i'ya. Shegai ili i'ya i zuwai bawu i tsaraḍi ili i'ya ya ciga vi i'ya, i folo Kashila ka naka ḍa wa.

³ Kpmam ko i folo baci, i tsu tsaraḍi i'ya wa, kpaci uyawunsa u de u cingi u ḍa, ili i'ya ya zuwa ḍa i pana kayanyan ka uma i'ya i tsu bolo koshi.

⁴ Edā aza a ukpaḍa u upityanangu, i reve an ya ciga likimba u na i woko de atokulalu a Kashila wa?

⁵ Ko ya yan malala ma kuḍari ku Tagarada u Kashila, ka ku danai, Kulu ku ne ka kari a asuvu a tsunu, ka ta n malyon.

⁶ U tsu wenike tsu ta ukuna u shinga u ne. Wene ve ili i'ya Tagarada u Kashila u danai, "Kashila ka 'yuwan ta aza a aradi, kpam u tsu wenike ta ukuna u shinga a asu u aza da a vakunki kaci ka le." ◇

⁷ Asaka Kashila ka toni n avu. 'Yuwan Kalapansi, eyi kpam wa suma ta u asaka vu.

⁸ Tuwai evu n Kashila, eyi dem wa tuwa ta evu n ada. Sawai akere a de, kpaci eda aza a unyushi u cingi a da. Wulukpei atakasuvu a de, eda ama da bawu i'ari n katakasuvu ka te.

⁹ Balai asuvu adama a ili i cingi i'ya i yain, panai mbala i namgba asuvu, namgba katsuma a una u da ya dosuso, ipeli i de i gono unambukatsuma.

¹⁰ Vakunki kaci ka de a asu u Tata, eyi kpam wa radagba da ta a zuba.

¹¹ Ama a va, kotsu i tonusuko atoku a de kadyan-shi ka cingi wa. Ya dansaka baci uza roku tyoku da wa yan ukuna u cingi, hal i tadanku yi unyushi, Mele ma Kashila ma ya tadanku unyushi kpam i yankai ma afada. Eda aza da ya tadanku Mele unyushi a da wa. Manyan ma de ma i toni ma.

¹² Kashila ka yan ta Mele, aya kpam koshi wa yan afada a maci a asuvu a tsunu. Aya koshi wari n ucira u da wa wauwa ko u wuna. Ucira u eni u da wari n u da, u da va kidaga utoku u vunu ugana?

◇ 4:6 Tzg. 3:34.

Yan arāḍi adama a nakpan wa

¹³ Panai na, i tsu dansa t̄a, “Ara ko nakpan tsa bana t̄a a ilyuci i roku, tsu ba tsu rongo ḍe hal kayen tsu yain tsilaga, tsu yain ikebe.”

¹⁴ I tsu dana t̄a nala, shegai i reve i'ya ya gita nakpan wa. Uma u ḍe w̄a t̄a tyoku u maroli, kaara ka wut̄a baci aku ma wacuwa.

¹⁵ Shegai i'ari i dana, “Kashil̄a ka wushuku baci tsari n uma, tsa yan t̄a ili i na ko i nala.”

¹⁶ Shegai ya yan arāḍi n tsilai tsu gbani. Gb̄a tsilai tsu nala tsi tsicingi tsa.

¹⁷ Ciḍai, unyushi u cingi u ḍa uza u reve ili i'ya i gain u yain, aku u kp̄aḍai i'ya uyan.

5

A baranai aza a utsari

¹ Panai na eḍa aza a utsari, u gan t̄a i sai n meshi n i salasi adama a upana u ikyamba u ḍa wa tuwa ḍa.

² Utsari u ḍe u shama ḍe, kpam karan ka takuma ḍe aminya a ḍe.

³ Azurufa n zinariya u ḍe u gbani u ḍa. Utsari u ḍa ya pana n u ḍa vi, wa takuma t̄a ikyamba i ḍe a akina. Utsari u ḍa i bolomgbonoi vi, wa woko ḍa t̄a iryoci i'ya ya varangu ḍa a a'ayin a afada a makorishi.

⁴ Panai kushen ka azamaninga a ḍa i zuwai manyan a kashina, aza ḍa i kp̄aḍai utsupa ikebe i manyan i le. I 'yuwan le utsupa katsupi ka le, kpam kushen ku le ku rawa ḍe a asu u Kashil̄a Uza u Ucira Gb̄a. ⁵ I rongoi a likimba bawu i yain

manyan, gba n nala ya pana kayanyan ka ataka-suvu a de. I gana ta kaci ka de hal i gbonguroi, shegai gogo-na kain ka a ka kida da ka na.

⁶ I kidagai aza da bawu a'ari n unyushi ugana a woko aza a unyushi, i wuna le, kpam a shilakanaka da wa.

Kawunki n upana u ikyamba

⁷ Ama a va, u kana ta i rongo n ahankuri i vana ugono u Asheku. Kondoi ve tyoku da acimbi a tsu vana mini ma zuba tsara a cei, kpam a vana mini hal ubana a'ayin a ukapa u iceshi yi. Kondoi ve tyoku da a tsu yan ahankuri hal a'ayin a ukapa yi a rawa.

⁸ Nala dem, u gan ta i yain ahankuri, u gan ta i gbama asuvu kpaci Asheku a ka barakpa wa, wa gono ta.

⁹ Atoku a va, kotsu i damgbarasa kaci ka de n kakpadikukuna wa. Nala baci ya yansa, Kashila ka kidaga da ta ugana. Uza u afada wa ta a utsutsu utuwa.

¹⁰ Atoku a va, kondoi ve tyoku da nsumate aza da a tsu yan kadyanshi ka Kashila n ucira u kala ka ne. Alya iryoci i ama da a panai ikyamba.

¹¹ Tsu cikpala ta aza da a tsu kawunku pini n upana u ikyamba. Ayuba da iryoci i uza da u kawunki n ahankuri. A asu u akawunki a ne, tsu wene ta tyoku da afofi a Kashila a shinga a kotsoi mai, tyoku da Tata wari uza u asuvayali cika.

¹² Ama a va, wa ta n kalen cika, i 'yuwan utsina n i yanyi kazuwamgbani n i isasi zuba. Kotsu i yain nala n isasi likimba wa, kotsu dem i yain nala n i isasi ili i roku wa. Ili i'ya i gain i yain i'ya i dana

“eye” ko “a'a” koshi, i yan baci nala ya yan unyushi u cingi, ko a kidāga dā ugana wa.

Uwenishike a kaci ka kvasu

¹³ Ya wari a asuvu a de uza da wari n ukuna u da wa bala yi? She u lyai kapala n kvasu. Uza roku wari n mazanga? She u shipi ishira i icikpali.

¹⁴ Uza roku wa a asuvu a de n mabala? She u isa nkoshi ma Atoni a Yesu a yanka yi kvasu. A ka gbaraka yi ta manivi a asuvu a kala ka Asheku.

¹⁵ Kpam kvasu ka a ka yan vi, a yan baci ka n upityanangu ka tuko ta uza u mabala vi alafiya. Kashila ka tanasa yi ta. Uza vi u yan baci unyushi u cingi u roku, Kashila ka cimbusuka yi ta.

¹⁶ Adama a nala, tonukoi atoku unyushi u cingi u de, i yanka atoku kvasu tsara Kashila ka tanasa da. Vuma da u zuwai Kashila ka panai kayanyan, kvasu ka ne ka ta n ucira, kpam ka tsu tuko ta makorishi ma shinga.

¹⁷ Iliya† vuma da tyoku u tsunu, u yain kvasu cika kotsu a roi wa, kpam a ro wa hal ayen a tatsu n uwoto u teli.

¹⁸ U doki u yain kvasu, aku zuba nakai mini, uyamba kpam u wutukpai ilikulya.

¹⁹ Ama a va, uza roku u puwan baci bawu wa yan ukuna u mayun, uza roku u gonuko yi a ure.

²⁰ U gan ta i reve mai, uza da baci u gonukoi uza u unyushi u cingi a ure u maci u asakai tsicingi tsu ne, vuma u nala vi u wauwa yi ta a asuvu a ukpa, adama a nala a ka cimbusuka yi ta unyushi u cingi ushani.

**Kazuwamgbani ka savu n Tsikimba n a6on a
da a dangasai a kazuwamgbani ka cau
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsikimba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

a4f6a28b-3d6d-50b4-a81b-06ae05a66010